

中國地方志集成

四川府縣志輯（新編）③

同治重修成都縣志
（三）

民國華陽縣志
（一）

巴蜀書社·鳳凰出版社·上海書店

第三冊目錄

同治重修成都縣志（二）	一
民國華陽縣志（一）	二七七

同治

重修成都縣志

(三)

清·李玉宣等 修 衷興鑑等 纂

同治十二年刻本 十六卷首一卷

重修成都縣志卷十一

藝文志第十一

詩五律

送姚評事入蜀各賦一物得卜肆 唐張九齡

蜀巖化已久湛冥空所思嘗聞賣卜處猶憶下簾時

驅傳因經此懷賢備問之歸來說往事慙慙偶心期

石鏡 唐盧照鄰

古墓芙蓉楊神明松柏煙鸞沈仙鏡底花沒梵輪前

銖衣千古佛寶月兩重圓隱隱香臺夜鐘聲徹九天

琴臺 唐盧照鄰

重修成都縣志卷十一 藝文志 詩 一

聞有雅客地千年無四鄰園院風烟古池臺松檟春

雲疑作賦客月似聽琴人寂寂嘯鸞處空傷遊子神

武擔山寺 唐蘇頌

武擔獨蒼然墳山下至泉竈靈時共盡龍女事同遷

松柏銜哀處幡花種福田詎知畱鏡石長與法輪圓

早春陪崔中丞同泛花溪宴 岑參

旌節臨溪口寒郊徒覺暄紅亭移酒席畫舸遶江村

雲帶歌聲颺風飄舞袖翻花間催秉燭川上欲黃昏

石鏡 唐杜甫

蜀王將此鏡送死置空山冥冥憐香骨提攜近玉顏

眾妃無復歎千騎亦虛還獨有傷心石埋輪月宇間
相如琴臺 唐杜甫

茂陵多病後尚愛卓文君酒肆人間世琴臺日暮雲

野花畱實壓蔓草見羅裙歸鳳求凰意寥寥不復聞

摩訶池泛舟 唐杜甫

湍駛風醒酒船回霧起隄高城秋自落雜樹晚相迷

坐觸鴛鴦起巢傾翡翠低莫須驚白鷺為伴宿清溪

西郊 唐杜甫

時出碧雞坊西郊向草堂市橋官柳細江路野梅香

傍架齊書帙看題檢藥囊無人覺來往疎懶意何長

重修成都縣志卷十一 藝文志 詩 二

草堂即事 唐杜甫

荒村建子月獨樹老夫家雪裏江船渡風前竹徑斜

寒魚依密藻宿雁聚圓沙蜀酒禁愁得無錢何處賒

懷錦水居止 唐杜甫

軍旅西征僻風塵戰伐多猶聞蜀父老不忘舜謳歌

天險終難立柴門豈重過朝朝巫峽水遠逗錦江波

萬里橋西宅百花潭北莊層軒皆面水老樹飽經霜

雪嶺界天白錦城曛日黃惜哉形勝地回首一茫茫

送王侍御往東山放生池祖席 唐杜甫

東川詩友合此贈快輕為况得傳宗匠舊作空然惜

別離梅花交近野草色向平池儻憶江邊卧歸期願

早知

春日江都五首

杜甫

農務邨邨急春流岸岸深乾坤萬里眼時序百年心

茅屋還堪賦桃源自可尋艱難昧陳作昧一作生理賤一作淺

飄泊到如今

迢遞來三蜀蹉跎有一作六年容黃作身逢故舊發

興自林泉過懶從衣結頻遊任履穿籬籬頗無限一作

無限景恣意向買江天

種竹交加翠栽桃爛熳紅經心石鏡月到面雪山風

重修成都縣志卷十一

藝文志 詩

三

赤管隨王命銀章付老翁豈知牙齒落名玷薦賢中

扶病垂朱紱歸休步紫苔郊扉存晚計幕府愧羣材

燕外晴絲卷鷗邊水葉開鄰家送魚鼈問我數能來

羣盜哀王粲中年召賈生登樓初有作前蒲竟為榮

宅入先賢傳才高處士名異時懷二子春日復含情

送韋郎司直歸成都鶴曰此是廣德元年春在梓州作杜甫

竄身來蜀地同病得韋郎天下兵一作戈滿江邊歲

月長別筵花欲暮春日鬢春鬢俱蒼為問南溪竹一作

笋抽稍合過墻原注余草堂在成都西郭

送賈九歸成都

杜甫

文章亦不盡寶子才縱橫非爾更苦一作節何人符

大名讀書雲閣觀問綃錦官城我有浣花竹題詩須

一行

舍弟占歸草堂檢校聊示此詩 杜甫

久客應吾道相隨獨爾來孰今本知江路近頗為草

堂迴鵝鴨宜長數柴荆莫浪開東林竹影薄臘月更

須裁

嚴公廳宴同詠蜀道畫圖得空字 杜甫

日臨公館靜畫滿一作地圖雄劍閣星橋北松州雪

嶺東華夷山不斷吳蜀水相通與與煙霞會清樾幸

重修成都縣志卷十一

藝文志 詩

四

不空

出郭仇注從舊次編在上元元年成都詩內草堂在郭外從城中復歸草堂故有還與舊鳥啼之句

舊說謂自青城還成都新說謂從成都往青城者皆非前詩云已知出郭少塵事可証

杜甫

霜露晚凄凄高天逐望低遠煙鹽井上斜景雪峰西

故國猶兵馬他鄉亦一作鼓鼙江城今夜客還與舊

鳥啼

成都送嚴十五之江東 權德輿

江都萬里外別後幾悽悽峽路花應發津亭柳正齊

酒傾遲日暮川濶遠天低心繫征帆上隨君到劍溪

早秋西亭宴徐員外

武元衡

鼎鉉辭臺座，鷹幢領益州。曲池連月曉，橫笛滿城秋。
有美皇華使，曾同白社遊。今來重相見，徧覺豔歌愁。

武元衡

玉輪初滿空，迴出錦城東。相向秦樓鏡，分飛碣石鴻。
桂香隨窈窕，珠綴隔玲瓏。不及前秋見，團圓鳳沼中。

徐放

玉露中秋夜，金波碧落開。鵲驚初泛濫，鴻思共徘徊。
遠目清光逼，高空爽氣來。此時陪永望，更得上燕臺。

王良會

重修成都縣志卷十一

藝文志 詩

五

德星搖此夜，珥月滌重城。香霽烟霞色，颺颺砧杵聲。
令行秋氣爽，樂感素風輕。共賞千年聖，長歌四海清。

張正壹

高秋今夜月，皓皓正蒼蒼。遠水激如練，孤鴻迴帶霜。
旅人方積思，繁宿稍沈光。朱檻叨陪賞，尤宜清漏長。

柳公綽

此夜年年月，偏宜此地逢。近看江水淺，遙辨雪山重。
萬井金花肅，千秋玉露濃。不惟樓上思，飛蓋亦陪從。

崔備

和中秋夜錦樓望月得前字

崔備

照別江樓上，添愁野帳前。隋侯恩未報，猶有夜珠圓。

崔備

和中秋夜錦樓望月得秋字

段文昌

四時皆有月，一夜獨當秋。照耀初含露，徘徊正滿樓。
遙連雪山淨，迴入錦江流。願以清光末，年年許從游。

姚向

重修成都縣志卷十一

藝文志 詩

六

開閣錦城中，餘閒訪梵宮。九層連畫景，萬象寫秋空。
天半將身到，江長與海通。提攜出塵土，曾是穆清風。

溫會

和題武擔寺西臺

楊汝士

桑門煙樹中，臺榭造雲空。眺聽逢秋興，篇辭變國風。
坐愁高鳥起，笑指遠人同。始媿才情薄，躋攀繼韻窮。

李敬伯

和題武擔寺西臺

姚康

松逕引清風登臺古寺中江平沙岸白日下錦川紅
疎樹山根淨深雲鳥跡窮自慚陪末席便與九霄通
晚夏登張儀樓呈院中諸公 段文昌

重樓牕戶開四望歛煙埃遠岫林端出清波城下迴
乍疑蟬韻促稍覺雪山來併起相關思銷憂在酒杯

張儀樓 和 李敬伯

層屋架城隈寶筵此日開文峯催八韻星分應三臺
望雪煩襟釋當歡遠思來披雲霄漢近整覽出塵埃

張儀樓 和 楊汝士

從公城上來秋近絕纖埃樓古秦現在江分蜀望開

重修成都縣志卷十一 藝文志 詩 七

遠山標宿雪末座本寒灰陪賞今爲泰臨歡更祈杯
張儀樓 和 温會

危軒重疊開訪古上徘徊有舌嗟秦策飛梁認楚材
雲霄隨鳳到物象爲詩來欲和關山意巴歌調更哀

張儀樓 和 姚向

秦相架羣材登臨契上臺查從銀漢落江自雪山來
儷曲新流火臨風冷小杯帝鄉如在目欲下盡徘徊

張儀樓 和 姚康

登覽值晴開詩從野思來蜀川新草木秦日舊樓臺
池影搖中座山光接上臺近秋宜晚景極目斷浮埃

弔草堂禪師 李洞

杖履癡師在房關四壁蛩貯瓶經臘水響塔隔山鐘

乳鶴沿苔井齋猿散雪峰如何不見性倚徧寺前松

草堂寺在蜀成都文選注李善引梁簡文草堂傳曰
周彦倫昔在蜀以蜀草堂林壑可憐乃於鐘山雷次
宗學館立寺因名草堂亦號山茨蓋蜀人謂草屋曰
茨成都之郊地名亦有蠶茨今認爲蠶絲矣唐李太
白客遊有懷故鄉以草堂名其詩集見於九氏鄭樵
書目可證也杜子美客蜀亦居草堂今人徒知村之
草堂而不知太白之草堂又只知唐之草堂名
天下而不知實始干梁矣因綴志詩並及之

送從舅成都丞廣南歸粵 李端

巴字天邊水秦人去是歸棧長山雨響谿亂火田稀
俗富行應樂官雄祿豈微魏舒終有淚還濕甫家衣

重修成都縣志卷十一 藝文志 詩 八

昇僊橋 羅隱

危梁枕路歧駐馬問前時價自友朋得名因婦女知
直須論命運不得逞文詞執戟君鄉里榮華竟若爲

偶宴西蜀摩訶池 暢甫 一作 甫當

珍木鬱清池風荷左右披淺觴甯及醉漫舸不知移
蔭林簾光冷照流簪影歆胡爲獨羈者雪滄向漣漪

成都爲客作 田澄

蜀郡將知遠南城萬里橋衣緣鄉淚濕貌以客愁銷
地富魚爲米山芳桂是樵旅遊惟得酒今日過明朝
蜀城春望 崔塗

天涯憔悴身一望一沾巾在處有芳草滿城無故人

懷材皆得路失計自傷春清鏡不堪照鬢毛愁更新

揚子雲墨池郎草元所 宋 祁

宅廢經池在人亡墨瀋乾蟾蜍兼滴破蝌蚪共書殘

蠹罷芸猶翠蒸餘竹自寒長楊無可問撫物費長歎

西樓夕坐 宋 祁

炎氛隨日入岑寂坐遙帷倦鶯昏投浦驚蟬夜去枝

桂華兼月破槎影帶星移珍重牕風好羲皇卽此時

司馬相如琴臺 宋 祁

故臺千古恨猶對舊家山半夜鸞凰去它年駟馬還

重修成都縣志卷十一 藝文志 詩 九

死憂封禪晚生愛茂陵閒惟有飄飄氣仍存天地間

二十二日聖壽寺蠶市 田 况

壘斷爭趨利仁園敞邃深經年儲百貨有意享千金

器用先農事人聲混樂音蠶叢故祠在致祝順民心

二十八日謁生緣祠遊淨眾寺 田 况

千騎出重閭嚴祠淨宇鄰映村沽酒旆迎馬獻花人

豔日披江霧香颺敗路塵韶華特明媚不似遠方春

嚴君平宅 呂光弼

卜肆垂簾地依然門徑開沈冥時已往思慕客猶來

鳥啄虛簷壞狐穿古井摧空餘舊機石歲歲長春苔

長卿琴臺 呂公弼

煙樹重城側琴臺千古餘早爲梁苑客晚向茂陵居

賦給尙青筆歸乘使者車清風颭舊隱長自聳鄉閭

送羅郎中登管勾玉局觀 司馬光

官名爲玉局已與俗塵疎鐘出寒松迴香凝古殿虛

卿問非甚遠俸祿豈無餘誰道神仙樂神仙恐不如

杜工部祠 宋 京

瞻拜荒祠下萍踪此尙畱心存唐社稷詩續魯春秋

竹屋斜通徑花溪遠抱樓江山眞占絕千古獨風流

遊昭覺寺 范 鎮

重修成都縣志卷十一 藝文志 詩 一

炎蒸無處避此地忽如寒松砌行無際石房禪自安

鶯鶯秋沼漲蝙蝠晚庭寬登眺見田舍衡茅半不完

玉局觀 范 鎮

疋馬西歸去知君得意偏人情重鄰里官職更神仙

曉後無衙喏旬頭有俸錢何須駕白鶴辛苦上青天

淨眾寺新禪院 范 鎮

金地西郊外一來煩慮摠凡逢似仙境鮮不屬僧居

岸綠見翹鷺溪清無隱魚殘陽已周覽欲去幾躊躇

揚雄宅 蒲 瀛

寂寞一區宅沉冥千載豪但輕泚戲賤誰識草元高

蝌蚪猶翻墨提壺欲載醪著書端有意不必反離騷
遊呪土寺西臺 蒲瀛

偶到西城寺人言呪土墳夕陽臺半出秋草徑才分
地下無紅粉天邊有碧雲徘徊追往事風急葉紛紛

楊雄宅

邵博

自負天人學甘居寂寞濱却憐載酒客似識草元人

三世官應拙一區宅更貧千年尋故里感涕獨沾巾

同楊元澈遊杜子美草堂

邵博

萬里橋西路幽居今尚存共來披草徑遠去問江邨

冉冉花扶屋蕭蕭竹映門斯人隔今古此意與誰論

重修成都縣志卷十一

藝文志 詩

二

題暑雪軒

吳棫

咒土臺頭寺披襟笑語開千年雲抱石六月雪彌山

酒熟藟管外茶新碾試問要須時點筆來此賦躋攀

和題暑雪軒

周燾

崇臺窮石照氣味樂偷閒南陸朱明馭西關白雪山

茶甌回舌本塵尾落談閒欲綴風煙句彌高不可攀

和題暑雪軒

田望

聖福軒重敞偶來心地閒因談丁士冢知是武擔山

人在冰壺裡天垂玉壘閒廣歌白雪句巴客強追攀

和題暑雪軒

孫埃

地僻宜逃暑官卑幸願閒虛傳力士擔始信蜀妃山
嶺雪青霄畔城煙密樹閒清談容款按妙句獨難攀

和題暑雪軒

王澧

望處疑蓬島天長碧海閒雲霞收玉宇煙浪湧銀山

茶入清談裡風生兩腋閒詩成似西嶺高嶮不容攀

西園十詠并序

成都西園樓榭亭池庵最勝者比十所又於其間勝絕者西樓賞皓月眺

岷山眾熙亭臨清池濯錦水志殊土之產有方物

蔽映軒戶足以會寶僚資燕息 吳中復

西樓

信美他鄉地登臨有故樓清風破大暑明月轉高秋

重修成都縣志卷十一

藝文志 詩

三

朝暮岷山秀東西錦水流賓朋逢好景把酒爲遲留

眾熙亭

亭枕方塘上軒開四照新花涵清露曉風捲綠波春

日暖眠汀鶯荷翻濯錦鱗熙熙遊宴地行樂慰西人

竹洞

陰森過百步屈曲鎖莓苔翠色寒無改清風時自來

葉籠蒼玉韜路入碧雲堆吏散無公事支筇到幾回

方物亭

草木蟲魚部披尋自古無飛沈天產異生植土風殊

物色隨心匠形容紀繪圖虛亭玩真意浩思滿江湖

翠柏亭

衆木墜黃葉，嫩皮抱翠枝。自然根性在，不爲雪霜移。
靈潤承多露，清陰買四時。婆娑歲寒意，每到坐遲遲。

圓通菴

對此圓通境，陶然勝靜齋。觀空無物我，扣寂外形骸。
燕坐埋遺照，虛名久次懷。人間憂樂地，所喪甚山崖。

琴壇

瀟灑琴壇上，賢侯養道情。無今亦無古，求意不求聲。
林邃風初靜，雲收月乍明。拂絃成一弄，塵思浩然清。

流杯池

重修成都縣志卷十一 藝文志 詩 三
結客乘公暇，流觴逐浩歌。亂峯晴倒影，曲水宛迴波。

小海逢元巳，蘭亭記永和。西州行樂事，應比晉賢多。

喬桐亭

木占西園勝，亭延上客過。色無花卉，堅爲霜雪多。
幹有千年秀，根含一氣和。明堂求厚棟，可得老巖阿。

錦亭

簾幕臨雕檻，牕疏照爛霞。園林初過雨，風日猛催花。
香入遊人袖，紅堆刺史家。四時俱好景，終不似春華。

和共父遊青羊宮

孫應時

野興偶所愜，勝遊聊一尋。雙臺隱空曲，萬竹護清深。

嵐翠明巾履，風香度笑吟。端能重載酒，盡日聽鳴琴。

訪古未云已，會心良獨多。猶應趁風月，從此徧岷峨。
萬里談秋色，一江明暮波。他年問魚鳥，能復記相過。

出成都西郊

孫應時

笑指西山去，縈紆傍水行。寒灘瀉清淺，古木夾疎明。
雪意垂垂合，川光莽莽平。覓將塵事隔，已復動詩情。

武擔山

孫應時

北上武擔寺，南臨蜀錦園。風煙帶城郭，禾黍半江村。
今古本同夢，廢興那與論。惟應一破竹，可共洗心言。

小飲不成醉，清談多所欣。秋聲搖落日，野色亂寒雲。

重修成都縣志卷十一

藝文志 詩 四

心事長千載，腰圍更幾分。西風叢桂發，倚檻得相聞。

武擔西臺和師文作

孫應時

西臺在何許，秋草暮雲間。十畝有餘竹，一窻無數山。
望遠足離思，憂時多苦顏。相看終惜醉，更挈酒餅還。

武擔山感事

孫應時

客裡愁如積，朝來意亦欣。鳴堦無宿雨，度隙有歸雲。
且免泥盈尺，猶祈歲十分。中原念淮浙，不忍語傳聞。

身不入蓮社，意非同漆園。閑來閱風物，歸去老山村。
氣味故相許，淵源須細論。燈前秋夜永，未可付忘言。

襟懷能坦坦，色笑更欣欣。

黃叔度草元揚子雲

歸舟真已具別袂不能分歲月秋邊雁飛鳴報客聞
歸心極江海秋夢着邱園鷗鷺白蘋渚牛羊黃葉村
古人真已遠世事渺難論想見陶元亮觴來不得言
西樓獨上

范成大

竹日駐微暑松風生早秋閒尋來處路獨倚靜中樓
老景驅雙轂鄉心挽萬牛相隨水上坐脚底亦雲浮
摩訶池

陸游

摩訶古池院一過一銷魂春水生新漲煙蕪沒舊痕
年光走車轂人事轉萍根猶有宮梁燕銜泥入水門

謁石犀廟

陸游

重修成都縣志卷十一

藝文志 詩

五

閑過石犀祠登堂一歎歎江回陵谷變碑斷市朝非
有王蜀時荒圃連寒隴斜陽映夕霏興亡俱昨夢惆
悵跨驢歸

和舍弟龍山宿天迴鎮元韻

陸游

出郊時向午樹杪已斜暉浴水雙鳧沒橫空一雁聞
地高偏聚雨天晚易成雲止宿投何處天迴路不分
杜公祠

元 无

老病思明主乾坤入苦吟秋風茅屋客春日杜鵑心
詩史孤忠在文星萬古沈祇應憶李白到海去相尋

沈溪贈范憲副

明 毛伯温

杜老遺溪在范公屋數間滯聲低出石雲影靜依山
草拂春風軟花明夕照閒何時同洗耳把釣聽潺湲
支機石

曹學佺

一片支機石傳來牛女津客棹何處所卜肆已生塵
較似昆池古長從漢月新每逢秋夕裡吟眺倍相親
過元天觀

明蜀獻王椿孫悼莊世子悅嫌姪和
王悅與子靖王友瑄偕王友璫堂翁

蜀定王 友瑄

福地喜重來登臨亦快哉蓬壺連海島雲洞隔塵埃
羽客乘鸞去仙人駕鳳回談元閒坐久欲去且徘徊

王好學循理工詩賦
善草書定圖集十卷

重修成都縣志卷十一

藝文志 詩

七

川扇

陳三島

險絕蠶叢地絲來宮扇傳大都白帝竹盡用錦官箋
出匣風初轉垂綸月半圓人間遺玉柄猶是漢宮年
題杜少陵像

蔣燦

誰貌杜陵老憂懷筆底傳凋殘悲瘦馬慷慨拜啼鵑
作客依江閣浮家寄楚船高才同獲落千古有青蓮
大雅長往矣遠容後代看萬間思廣廈一諫失微官

抗志隆中對饑驅蜀道難蕭騷兩鬢白應爲憶長安
題杜拾遺像

謝應芳

國破家何在別途更莫年七歌同谷裏再拜杜鵑前

胡羯長安滿騎驢短褐穿畫圖憔悴色猶足見憂天
人日同顧二江民表范浣溪師舜黃月披尤吉張浮
南南明遠訪少陵草堂

劉希尹

癸歲開人日成都有客星穿松過野寺寧苴步沙汀
夕照猶潭水春暉自草亭典衣須盡興聚散一浮萍
避地傷時久移家卜宅幽荒村潭北舍溪水瀼西頭

花木從人乞禽魚爾自由詩篇真漫興何事日間愁

成都

黃翼聖字子初太倉人崇禎中辟援新都知縣道經成都梅村作詩述之第三首

國朝 吳偉業

魚鳧開國險花月錦城香巨石當門觀奇書刻渺茫

重修成都縣志卷十一

藝文志 詩

七

江流人事勝臺榭霸圖荒萬里滄浪客題詩問草堂

成都樓

王士正

秋老錦官城西風捲旆旌霜高岸浦落日雪山明

黎雅初增戍松潘未罷兵誰能凌絕頂萬里一崢嶸

浣花溪

王士正

解纜江村外溪沙失舊痕夕陽來灌口秋水下彭門

清吹臨風緩神鴉得食喧百花潭上好新月破黃昏

萬里橋邊去還多卽古情人煙過蠶市新月上龜城

寂歷更漏發蕭條鱗甲生迴看草堂路修竹水蕪平

書杜工部入蜀

彭端淑

少陵入蜀後數歲且頻移窮老真堪惜奔馳未足悲
不緣經勝地焉得發奇思造化甯無意山川要好詩
過草堂弔工部

彭端淑

駐馬浣溪傍披襟弔草堂碧沙與綠竹千載亦流香
牢落栖巴國飄零竄楚鄉平生忠愛意滄淚滿篇章
子美草堂

顧光旭

揖讓初登地浣花猶草堂寺門分竹色彩筆點溪光
梁燕緣江熟簷雲背郭長野人收芋栗桑柘晚陰涼
錦里栖栖者東西南北人重逢黃閣老一構白茅新
客至輒筒遠堂成楫木春郊扁看小隊來往自頻頻

重修成都縣志卷十一

藝文志 詩

六

破屋秋風裏孤吟失老相艱難萬里客悽愴百花潭

稷契憂方大詩書性所耽飄然成白首畱滯錦城南

無家思弟妹爲客長兒童日月雙懸地乾坤一老翁

合離江內外去住瀼西東逝者浣花水長歌懷古風

少陵草堂

錢源來

飄泊干戈後爲堂旁水涯三巴五畝宅千古一詩家

無復臨江樹猶存覆地花危樓當北斗想像望京華

武擔山

吳省欽

玉魚蒙葬地遠擔武都泥絕豔山精化歸魂石鏡迷

露華凝黛粉春信過棠梨太息升壇業蒼茫杜宇嗚

重過慰忠祠

吳省欽

授命交呼吸來祠獨涕洟營開官失隊魂冷客招旗
落月孟蘭會英聲汗簡詞浣花翁去遠拓戟古同悲
玉石驚延燼冰厓洩煙殘骸虛馬革異相悞鳶肩
急難無良賤傳聞稍後先陳濤斜畔水應照筆如椽
戰地鬼呼風啣鬚一獻同受恩誰國士歸訃或家僮
配食高名義迎神絕怨恫機槍看奮掃投拜氣流虹

草堂

董大椿

一世艱虞容百年愁病身人經顛沛老詩到亂離真
短髮頻搔首低顏久傍人袖中活國手未得展經綸

重修成都縣志卷十一

藝文志 詩

七

草堂

李元芝

弟妹風塵隔江湖魏闕遙苦吟人太瘦多病髣潛凋
寇盜思諸將瘡痍望聖朝平生無樂地極目意迢迢
暫荷寶篋任成都可借棲百花春水外萬里小橋西
橙木三年大鵬魂徹夜啼故人時款洽五馬聽驕嘶
茅屋秋風破柴門暮雨懸那堪愁在客况復病經年
血淚詩千首生涯室數椽憂民憂國意野老見猶憐
愛此棲遲久精靈應往還詩名齊斗岳正氣載江山
竹覆清祠古人耕大野間茫茫何限意時聽水潺潺

杜公祠

岳鍾琪

勞農出郭遊小憩浣花頭秧滿田疇綠溪分溝洫流

遠山雲水接隣寺曉烟浮石碣畱遺像猶懷漂泊愁

萬里橋西路滄浪在望中昔為詩史宅今作梵王宮

林竹搖新碧溪荷失舊紅草堂居隱吏千古仰高風

遊草堂寺得謁放翁塑像

岳鍾琪

宋唐雖代隔杜陸總情同一樣懷君國孤征托雁鴻

餘年逃虎口游屐老蠶叢錦水都生色千秋著二公

送宋西橋回成都

何椿齡

涼風吹落木客子正悲秋攜手一為別寸心千里愁

與君同邂逅慙我尚淹畱旅次孤燈寂茫茫念舊游

重修成都縣志卷十一

藝文志 詩

三

草堂

李堯棟

曾訪城南杜秦原尺五天新來錦官里復拜草堂前
庚信江關暮陳琳幕府年異鄉思卜築萬里接風煙
經始煩裴尹依栖託鄭公結鄰唯野老駐馬有元戎
近為諸侯帥重營十畝宮眼中真笑兀蓬華換青紅
茅屋三重地詩人一瓣香百花潭繞舍萬个竹為牆
崩剝繁華歎蕭寥野趣長草堂肯孰寄莫遣就荒涼
被酒行歌地牽蘿補屋心干時唯彩筆變雅有遺音
側想麻鞋日休嘲飯顆吟南池影碑在好為一撫臨

草堂

宋鳴琦

才載曾遊地花溪憶轉迷清秋開面目流水認東西
樹樹纏籬古蓬門結網低飄零感今昔隨意拾香泥
居近招提境而無香火緣繁華嗤故相清淨傍諸天
繪像愁堪掬詩心瘦可憐猶餘數椽屋未拔雨風前
惹見誅茅日征裳暫款畱何人駐車馬無地問王侯
曝日唯沙草成羣自白鷗青羊宮咫尺瓊瑤有層樓
破壁名誰記荒亭酒共溫扶輪須大雅弄斧且班門
廣廈甯非願新巢可細論倘容馳駿馬重上杜陵原
草堂

張庚

牢落天邊客倉皇亂後身此邦非樂土結屋且比隣

重修成都縣志卷十一

藝文志 詩

三

稷契情同摯曹劉句不神千秋遺宅在杳渺對江濱

冬日遊浣花草堂同林老松巖樸園弟兄作

張問陶

懷抱經時結詩情寄草堂竹深千佛共花冷一溪香

才大窮能練身閒老更狂艱難依僕射淒絕此行藏

老屋生前破奇詩亂後多無家尋弟妹有淚哭干戈

溝壑誰收骨乾坤許放歌錦江空歲月畱滯恨如何

萬里橋西路戎戎落日殘堂空遺像肅公死替人難

稷契丹心古風霜白髮寒詩成悲吏隱回首夢千官

天末唯疎放何功補聖明幽棲尋一妙遠戍惜三城

潭水無今昔勞人易死生我來千載後風雪故鄉情
李棠階招飲城北丞相祠側小園卽事

張問彤

誰知背城郭別自有山川舟楫平生志煙波歲暮天

紅橋飛跨水綠竹曲通船懷抱因君豁江湖興酒然

冬夜卽事時客成都

宋沛霖

錦城繁麗地蕭瑟育茅茨長物祇千卷閒情聊一卮

靜無胸起嶽饑欲肉炊糜風雪漫漫夜袁安是卧時

少陵草堂懷古

李如玉

橙林豐蔚處人指百花莊仙李輿圖畫詩人草閣長

重修成都縣志卷十一

藝文志 詩

三

二毛常滯蜀一字不忘唐千古高風在蘋蘩薦有香

題杜少陵草堂圖

郝登龍

背郭好林塘誅茅作草堂因吟白鷗谷爲卜碧雞坊

籠竹和烟靜江梅待雪香四松經喪亂閱世幾風霜

九日借諸友登琴臺分韻得臺字 尉方山

逕深埋勝跡性僻卽荒臺遠樹連村暗黃花帶雨開

秋隨流水淡風落雁聲哀一笑龍山會人生第幾回

春日同人集浣花草堂

陸 璣

徑竹尖籠翠庭橙影濕衣鷗來春水皺馬過野花飛

別蘇捫碑蹟穿林覓釣磯時晴值歡讌乘醉斂禪扉

石氣寒花塢溪雲濕草亭酒香痕墮白山遠色橫青
活水呼烹茗閒蹤等聚萍解嘲情不厭相釋各忘形
千古騷人宅風流說到今平橋低落漲老屋冷藏陰
名大神長在詩嚴律細尋更題團扇畫舊事話吳吟
紅葉遲春餞憑欄興不凡塵勞偷憩息嗜好話酸醜
越釀誇鄉味嘉魚飫老饒漫嗤問口俗猶曳舊青衫
浣花草堂早秋苦雨

孫 鎮

六月人間暑花溪乍倚樓酒壚三日雨詩屋一林秋
遂有江湖興長爲澤畔遊虛煩名字在良馬動諸侯
昭忠祠題朱總戎射斗像

孫 鎮

重修成都縣志卷一 藝文志 詩

三

浴血騎箕尾頌金鑄虎頭一官生食肉百戰死封侯
歿後晉爵提督花草迷旗鼓風雲撼鬪懷鐵槍傳隴上名共
豹皮酉

西城望岷山積雪

孫 鎮

拔地塞雲重層冰晃燭籠遙青橫外國虛白冠崇墉
快雪三城霽靈風五嶽鍾驚人攜謝句會到最高峯
夏日雨後登西城

孫 鎮

空翠隱高樓溪聲蕩客愁顛風吹雨過遠水帶雲流
世事輸蒼狗倦心傲白鷗西山天際晚爽氣逼人秋
游杜公祠探梅

趙桂生

萬古草堂在尋梅續舊遊早拚花下醉不礙雨中留
竹暗通吟屐林疏出梵樓相借多俊侶奚必美盟鷗
游杜公祠探梅

徐輔忠

不染塵中趣應超物外身禪心宜結社香國欲爲隣
燕壘簷間舊鶯聲雨後新吟鞭遙指處同是踏花人
游杜公祠探梅

黃魯江

花外聯吟社幽情與俗違倚牆摹舊榻聽竹悟新機
院裏僧參偈風前蝶作圍賞心殊未已清景戀忘歸
游杜公祠探梅

黃紹贊

重修成都縣志卷一 藝文志 詩

言

復作西園集蓬蒿古徑開風喧迎戶雀雨點過牆苔
烟外迷吟屐花前把酒盃秋陰寒色裏隨杖好徘徊
游杜公草堂分韻得邀字

潘時彤

已幸天無雨陸游老學菴筆記雖戴白之老未嘗見浣花日雨也還欣地遠巖
野花紅一徑溪水綠三篙嫩籜攜新筍清樽醉美醪
有人期不至延伫首頻搔是日章山甫以事未赴約

黃紹贊

遊昭覺寺

唐寺傳城北春風引客游殘碑橫竹徑疎磬出僧樓
塔古苔花積房深祇樹幽漫嫌人寂寂好與客勾留
揚子雲洗墨池

黃魯江

池上草痕青官齋靜自扃閒花堆古砌流水抱空亭